

稳，后路裁遣稍有就绪，再行调撤，未为不可。惟议者总谓腹地肃清，正当裁勇节饷，人岂能独负重累。俟子务过津时，与之妥筹大略。岑中丞之议，逢迎激射，断不能行。

致沈幼丹船政

同治十三年三月三十日

二月初间，杏荪观察寄到上元手示，筹画精详，时方入都展观随扈，将函折转交。经笙同年察阅并代呈。邸帅金以出洋学习造船驶船一节，应由执事主持核办，决不稍有牵掣。至养船及出洋经费不敷，尚冀鄙议，裁撤师船，以养轮船，旦夕可行，陆续匀拨。经笙谓或由总署奏办，或由外间疏催，若海防无事，似可从容筹度，亦虑江广各当事，未能实力遵办也。今日本忽有兴兵台湾之说，大纛既须先其所急，整轮遄行，各省更易借词延诿，欲指抽撤水师，分养轮船，竟无岁月可。日意格昨来津谒晤，感激恩知，亟图报效，因船差已竣，拟在上海候信。弟知阁下必有澎台之役，属令赴闽静候指挥，无须引避。日意格曾充法国兵官，于师船战法外交机宜，均所深悉。傥已回厂或可有裨。高深商局船兵船间进，以资商领用，无庸租价保险，悉如尊指。惟闻机器费煤，海镜昨运漕来津，不得进大沽口，俟唐景星盛杏荪夏间到津，议定大略，再行会奏。津局习枪炮工匠子弟若能赴布厂游学，自易精进，苦于无人带往，无款接济。电报费巨骇俗，亦愧有志未逮。